



特1
1717

帙入



国立国会図書館 タイトル『秘傳花鏡6巻』 請求記号 特1-1717

ガラス使用



花鏡圖

霄



凌

竹



芝



茉莉



花鏡

卷四


一

特1
1717


薔薇



天蓼




萬年藤



葡萄



玫瑰



棠棣



紫金藤



枸杞




花鏡

卷四

花鏡

卷四



野 薔 薇



千 歲 藥



香 木



茶 藪




茶 藪 花



十 姊 妹



柳 穿 魚



珍 珠 花



焦尾鳳



花帶錦




枝荔錦



鐵線蓮



花莖玉



鴛鴦草



史君子



蒿苳



虎耳草



淡竹葉



牽牛花



鼓子花




翠雲草



射干




馬兜鈴



五味子



紫茉莉



彌猴桃



水木樨



蒟蒻



蔓蓼



芙蓉



扁豆



壺



花鏡

卷四

無風獨搖




紫花地丁



大戟花



龍膽草



虎杖




茜草



香芋




葛花




草生長



鈎藤



仙人掌



落葵



清風藤



玉簇



藤蘿



欵冬花




子騷侯



子簡



蕓薯



參土



蜜羅波




藤杯酒



楚萇



蕤菱



樹提菩



子面人



苡薏



馬檳榔



花羅娑



子念都



子竹水




草章文




西國草



栝 藟



雪 下 紅



胡 椒



榼 藤



五 爪 龍



浣 草



蘿 藦



蓬 葛



及里干



秘傳花鏡卷之四目次

藤葛類攷

竹 附譜

凌霄花

茉莉

紫藤

枸杞

棣棠花

玫瑰

靈芝 附譜

真珠蘭

萬年藤

葡萄

天蓼


薔薇

月季

蒲

七

目次



藁

木香花

野薔薇

十姊妹

縑絲花

茶蘼花

千歲壘

柳穿魚

珍珠花

鳳尾焦

玉蕊花

錦帶花

鴛鴦藤

錦荔枝

鐵線蓮

史君子

萵苣

虎耳草

翠雲草

淡竹葉

射干花

牽牛花

馬兜鈴

鼓子花

五味花

薜荔

芙蓉

水木樺

壺蘆

獼猴桃

蓼莢

紫茉莉


白扁豆

龍膽草

落花生

大戟

葛花



紫花地丁

茜草

無風獨搖草

虎杖

落葵

欸冬花

仙人掌

玉簇

釣藤

清風藤

長生草

藤蘿

零餘子

土參

萎蕤

揚搖子

藟子

酒杯藤

秘傳花侯騷子四

千歲子

波羅蜜

西菩提樹 陳湜子訂輯

藤草姿蘿花

人面子

竹都念子

薏苡

木竹子

似木非木 韶子非草者竹與芝是也

馬檳榔

竹芝於藤 長楚首者因其秀雅靈奇

蔓椒


文章草

蘿摩

雪下紅

胡椒

浣草



枯樓

五爪龍

西國草

榿藤

蓬蘽

千里及

黑刺楸

真欬

木竹干

踏干藤

借念干

蕙苾

災蘇芬

人面干

災羅蜜

普對樹

災蠟干

干蕙干

秘傳花鏡卷之四

西湖花隱陳湜子訂輯

藤蔓類攷


竹

天壤間似木非木。似草非草者。竹與芝是也。茲特冠竹芝於藤蔓之首者。因其秀雅靈奇。而尊之也。至若遐方異品。亦間附於後。誌怪也。


竹乃植物也。隨在有之。但質與草木異。其形色大小

花鏡

卷四 竹



不同。竹根曰菊。旁引曰鞭。鞭上挺生者名筍。筍外包者名箨。過母則箨解。名竿。竿之節名筠。初發梢葉名篁。梢葉開盡名籊。竿上之膚名筠。古人取義獨詳。按竹之妙。虚心密節。性體堅剛。值霜雪而不凋。歷四時而常茂。頗無天艷。雅俗共賞。故戴凱之有竹紀六十一品。今復詳載於後。其性喜向東南。移種須從西北角。方能滿林。語云。種竹無時。遇雨便移。多留宿土。記取南枝。又五月十三日為竹醉日。是日種者易活。移時必須連根鞭埋下。覆土後勿以脚踏。只用槌擊數下。壅以馬糞。礬糠。次年便可出筍。竹初出時看根下第一節。生單枝者是雄竹。宜去。生雙枝者是雌竹。善生筍。最忌火日移栽。每至冬月。當以田泥。或河泥壅根。若瘞以死。猶能引他人之竹過牆。如不欲其過牆。須掘一溝便止。長至四五年者。即宜伐去。庶不碍新筍。如竹生花。結實似稗。謂之竹米。不久滿林皆枯。治法在初花時。擇一二大竿截去。止留下三尺。打通其節。以糞填實之。則花自止。竹亦不敗矣。種竹有四字訣。疎密淺深。則盡之矣。疎者。謂三四尺方種一顆。欲



其土虛易於行鞭也。密者大其根盤。每顆須三四竿。一堆使其根密。自相維持也。淺者入土不甚深也。深者種時雖淺。每用河泥厚壅之則深也。又移須多帶宿土。勿踏以足。則易活。一云八月初八及每月二十。若遇雨皆可移。又竹滿六十年一易根。必結實枯死。其實落地復生。六年遂成町矣。江南餘干有竹實大若雞卵葉包裹味甘

附竹釋名共三十九種

諸異竹

十二時竹 產蘄州。繞節凸生子丑寅卯等十二字。安福周俊叔家得此種。亦造物之奇也。

篋筭竹

出新州。一枝百葉。皮利可為礪甲。用久微滑。以酸漿漬過宿。復快利如初。多作弩箭。

人面竹

出剡山。竹徑幾寸。近本速二尺。節促。四面參差。竹皮有如魚鱗。面凸頗似人面。

棕竹

有三種。上曰筋頭。梗短葉垂。可作書几。次曰短柄。可列庭堦。再次樸竹。節稀葉梗。但可削

作扇骨。細微之用。其幹似竹非竹。黑色有皮。心實肉內有白縹紋。

桃絲竹

葉如棕。身如竹。密節而實心。厚理瘦骨。天然柱杖。出巴淪間。產豫者。細紋一節四尺。

四季竹

四季生筍。幹節長而圓。取為樂器。聲中管籥。若生山石者。音更清亮。可人。

湘妃竹


產於古辣。其幹光潤。上有黃黑斑點。紋旋轉而細。如淚痕狀。竹之最貴重者。

金鑲碧筴竹

產自成都。近日浙杭亦有。與常竹無異。但幹上每節兩青兩黃相間。

孝順竹

幹細而長。作大叢。夏則筍從中發。涼讓母竹。冬則筍從外護。母竹內包。故稱慈孝。



方竹 產於澄州桃源杭州今江南俱有體方有如削成而勁挺堪為柱杖亦異品也

鳳尾竹 紫幹高不過二三尺葉細小而倚那類鳳毛益種可作清玩

猶竹 一作毛竹浙閩最多幹大而厚葉細而小異於他竹人取編牌作舟或造屋皆可

蘄竹 出楚部蘄州土人取其色之瑩潤者為簞節疎者為簞笛

雙竹 生浙之武林西山其妙在修篁嫩篠對抽竝亂色最可愛

龍公竹 產自羅浮山其徑六七尺許節長丈二葉若芭蕉

紫竹 出南海普陀山其幹細而色深紫段之可為簞管今浙中皆有

弓竹 產於東方木長百尋其曲如藤狀必得大木乃倚而上質有文理

柯亭竹 產在雲夢之南其幹俟期年之後伐為樂器音最清亮

桂竹 出自南康府幹高四五丈圍約二尺許狀似甘草皮而赤色

思摩竹 奇在筍自節生竹成竿之後其節中復又生筍出海外

月竹 產於江南嘉定每月抽筍其形輕短而叢生有如箭桿

梅綠竹 其幹似湘妃而細瘦無旋紋色亦闇而大不如人多取為扇骨

斑竹 產於吳越諸山其斑紋雖不及古辣湘妃然作器具所用最廣

墨竹 其狀如古藤長有一丈八九尺而色理之黑如鐵

大夫竹 以其修長幹直凌雲圍有三尺許故得是名出郵延

龍鬚竹 生辰州及浙之山谷間高不盈尺而枝幹細僅如針可作盆玩但遇冬不可見霜雪

臨賀竹 其幹之大至有十抱較之龍公竹更奇出臨賀



慈竹

其幹內實而節疎性弱而形緊其細韌可代藤用

龜文竹

產於寶陀岩昔年僅一本以之製扇甚奇今不可得矣

相思竹

出自廣東似雙竹而差大皆兩兩相對而生

疎節竹

其幹最高每一節差一丈許出自黎母山陽

丹青竹

出自熊耳山其葉有三色黃青丹相間而生

通節竹

產於漆州其幹直上無節而中心空洞無隔亦異種也

疑波竹

其枝葉皆似常竹但有紅花開似安石榴亦奇種也

沛竹

昔傳是竹長百丈出自南荒之域附此以誌異耳

扁竹

其幹極扁

船竹

出員自其大如澡盆

叩竹

漢武帝遣人開牂牁致叩竹杖

徑尺竹


在湖湘可為甌用

觀音竹

出占城國

靈芝

靈芝一名三秀王者德仁則生非市食之菌乃瑞草也種類不同惟黃紫二色者山中常有其形如鹿角或如繖蓋皆堅實芳香叩之有聲服食家多採歸以籬盛置飯甑上蒸熟晒乾藏久不壞備作道糧又芝草一年三花食之令人長生然芝雖稟山川靈異而生亦可種植道家植芝法每以糯米飯搗爛加雄黃



鹿頭血。包曝乾冬筍。候冬至日。埋於土中自出。或灌藥入老樹腐爛處。來年雷雨後。即可得各色靈芝矣。雅人取置盆松之下。蘭蕙之中。甚有逸致。且能耐久不壞。

附靈芝釋名

共計四十一品

五色芝

五品

赤芝

一名丹芝。色如珊瑚。其艸屬異。常生於衡山。食之輕身延年。

黃芝

一名金芝。色如紫金。光明潤澤。多產於嵩山之上。食之不老。

黑芝

一名玄芝。色如澤漆。其光潤可愛。生於常山。

青芝

一名龍芝。色若翡翠。之羽。多產於泰山。

白芝

一名素芝。色如截肪。生華山。唐時延英殿御座上生玉芝。一莖有三花。

木芝

十一品

千歲芝

生於枯木下。根如坐人。刻之有血。取血塗二足。可行水隱形。延年却疾者。

木威喜芝

松脂淪地。化為茯苓。歲久上生小木。狀似蓮花。夜視有光。燒之不焦。服之得仙。

飛節芝

生千年老松上。皮中有脂。其狀如飛舞。服之可以長生。

木渠芝

寄生大木上。狀似蓮花。而一叢有九莖。味則甘而帶辛。

黃蘗芝

生於千年黃蘗根下。另有細根如絲縷。服之可得地仙。

叅成芝

赤色有光。扣其枝葉。如金石之音。

建木芝

生都廣。皮如縷。實如鸞。

蛇抱

藥

龍形



昇龍葉抱

五德芝 兵形如車馬食之者壽可得千歲

樊桃芝

木如籠花如丹蘿實如飛鳥

九光芝

形如盤槎生臨水之高山頂

九莖芝

一幹九莖其色紅黃可愛漢元封中生於甘泉殿齋房

草芝

十三品

龍仙芝

形似昇龍相負食之可以長生

白雲芝

生名山白石之陰有白雲時覆其上

青雲芝

青蓋三重其理則赤食之主壽

獨播芝

根大如斗莖粗如指能無風自動

牛角芝

生虎壽山形似葱而特出類角

紫珠芝

莖黃葉赤實如李而紫色生藍田

火芝

葉赤而莖青昔為赤松子之所服

九曲芝

九曲每曲三葉實生葉間其莖如針

白符芝

似梅大雪開花

夜光芝

生華陽洞山陰有五色光浮其上

鳳腦芝

其苗如貌而結實若桃

雲母芝

生山陰時有雲護秋採食令人身輕

金芝

漢元康中金芝九莖連葉生於函德殿銅池又唐上元二年含輝院產金芝

石芝

七品

玉暗芝

生於有玉之山狀似鳥獸色無常彩多似山水蒼玉亦有如鮮明之水晶者

七明芝

生臨水石崖間葉有七孔實堅如石夜見其光若食至七枚則七孔洞然矣

石蜜芝

生少室石戶中乃不易得者桂芝生石穴中似桂樹乃石也色光明味辛

石腦芝

出自石中而色黃

金蘭芝

冬生於山陰金石之間食之多壽

月精芝

秋生山陽石上莖青上赤味辛

肉芝


五品

脂抱

玄抱

石抱

花抱



人掌芝

蘭陵蕭靜之掘地得一物類人掌烹食之後遇一道人見其神氣不凡語曰子得食

肉芝自此壽可等乎龜鶴矣

蝙蝠芝

明成化間長洲產肉芝其形類蝙蝠人皆以為異而特誌之

千歲龜

千歲蟾蜍

燕胎芝

因其形似皆肉芝也

芝原仙品其形色變幻莫可端倪故有靈芝之稱惟有緣者得遇之耳據採芝圖所載名目有數百種茲止錄其十分之三以備山林高隱之士為服食參攷之一助也

凌霄花

凌霄一名紫葳又名陵苕鬼目蔓生必附木之南枝而上高可數丈蔓間有鬚如蝎虎足着樹最堅牢久則本大如盃春初生枝一枝數葉尖長有齒深青色開花每枝十餘朵大若牽牛花頭開五瓣上有數點黃色夏中乃盈深秋更赤八月結莢如豆角長三寸許子輕薄如榆仁用以蟠綉石自是可觀但花香劣聞太久則傷腦婦人聞之能墮胎不可不慎昔洛陽富韓公家植一本初無所依附而能特立歲久遂成大樹亭亭可愛亦草木之出乎其類者也

真珠蘭

真珠蘭一名魚子蘭。枝葉有似茉莉，但軟弱須用細竹幹扶之。花即長條細蕊，蕊大便是花開，其色淡紫。而蓓蕾如珠，性宜陰濕。又最畏寒，霜降後須同建蘭。茉莉一樣入窖收藏，若在閩粵則又當別論矣。三月初方可出窖，當以魚腥水五日一澆，雖喜肥却忌澆糞。花與建蘭同時，其香相似，而濃郁尤過之。好清者每取其蕊，以焙茶葉甚妙，但其性毒，止可取其香氣，故不入藥。

茉莉

茉莉一名抹利。東坡名曰暗麝，釋名鬘華。原出波斯國，今多生於南方暖地。北土名奈木，本者出閩廣，幹粗莖勁，高僅三四尺。藤本者出江西，弱莖叢生，有長至丈者。葉似茶而微大，花有單瓣重瓣之異，一種寶珠茉莉，花似小荷，而品最貴。初蕊時如珠，每至暮始放，則香滿一室，清麗可人。摘去嫩枝，使之再發，則枝繁花密，以米泔水澆，則花開不絕。或浸皮屑，不經硝者可用或黃豆汁，并糞水皆可。性喜暖，雖烈日不懼，但五六



嵌

屎

綠


月間每日一澆。宜於午後。至冬。即當加土壅根。霜降後。須藏暖處。清明後。方可出。尤怕春之東南風。故藏宜以漸而密。出亦宜以漸而敞。如土藏太乾。日暖時。畧澆冷茶。直待芽發後。方可澆肥。梅雨時。從節間摘斷。將折處劈開。嵌大麥一粒。以亂髮纏之。扞插肥陰地內。即活。若根下生蟻。灌以烏頭冷湯。即無。如換盆過。須易新土。更妙。六月六日。宜用魚腥木一澆。或鹿糞。或雞屎壅。最盛。又聞閩廣有一種。紅黃二色茉莉。余實未之見。想亦不易得之物也。

萬年藤

萬年藤。一名天棘。生於金陵牛首山。及浙之東天目。係晉魏至今者。其本大如桶。葉如綠絲。古致不同。誠神物也。春間根旁嫩苗。可以分植。

紫藤

紫藤喜附喬木而茂。凡藤皮著樹。從心重重有皮。其葉如綠絲。四月間發花。色深紫。重條綽約可愛。長安人家多種。飾庭院。以助喬木之所不及。春間取根上小枝。分種自活。



葡萄

葡萄俗名字桃。張騫從大宛移來。近日隨地俱有。然
味終不如北地所產之大而甘。蔓梗柔條葉盛枝繁
極其長大。延蔓可數十丈。必依架附木。若蟠之高樹
其實纍纍懸挂可觀。三月開黃白小花成穗。實圓如
櫻桃。有紫白黃三色。白名水晶。紫名馬乳。蜀中又有
純綠者。夏中坐臥其下。葉密陰厚。納涼最宜。富室取
其實。搾汁作酒甚美。春分剪其枝。插肥地即活。結子
後。即宜剪去繁葉。使受雨露之滋。則實易肥大而甜。
每日灌以冷茶。間兩日澆水。或用米泔水和黑豆皮
或以煮肉淡汁澆之。不宜用糞。若以此藤穿棗木而
生者。味更甘美。入麝香於其皮內。則葡萄熟時。盡帶
香味可口。十月終葉落後。去根一步許。掘一大坑。收
捲其枝條。悉埋之。細枝莖嫩。恐傷。雜襯以黍穰。更佳。
如無黍穰。竟以土蓋亦無礙。因其性不耐寒。不埋恐
凍死耳。待二月中。還出舒於架上。若歷歲久而幹老
者。只須穰草覆之。南方則不必坑矣。凡扦插在正月
下旬。取肥枝長四五尺者。捲為小圈。令緊。先治地極

肥鬆種之。止留二節在外。俟春氣發動。衆萌盡吐。而土中之節。不能條達。則英華盡萃於出土之二節。不二年而成棚矣。又波斯國蒲萄。有大如雞卵者。土魯國蒲萄。有小如胡椒者。名瑣瑣蒲萄。無核而味更甜。美物之不齊。地土使然也。

枸杞

枸杞一名枸杞。一名羊乳。南北山中及丘陵墻阪間皆有之。以其棘如枸之刺。葉如杞之條。故兼二木而名之。生於西地者高而肥。生於南方者矮而瘠。歲久本老。虬曲多致。結子紅點。若綴頗堪盆玩。春生苗葉微苦。淖過可食。秋生小紅紫花。結實雖小而味甘。澆水必清晨。則子不落。壅以牛糞則肥。多取陝西甘州者。因其子少而肉厚。入藥最良。其莖大而堅直者。可作杖。故俗呼仙人杖。

天蓼

天蓼一名木蓼。非草也。產於天目四明二山。本與梔子相類。其葉冬月不凋。花開黃白色。結實如棗。但未審蓼之名何來。子可爲燭。

棣棠花

棣棠花。藤本叢生。葉如茶藤。多尖而小。邊如鋸齒。三月開花。金黃色。圓若小球。一葉一莖。但繁而不香。其枝比薔薇更弱。必延蔓屏樹間。與薔薇同架。可助一色。春分剪嫩枝。扦插肥地。即活。其本妙在不生蟲蟻。

薔薇


薔薇。一名買笑。又名刺紅。玉雞苗。藤本青莖多刺。宜結屏種。花有五色。達春接夏而開。葉尖小而繁。經冬不大落。一枝開五六朵。深紅薔薇。大花粗葉。最先開。荷花薔薇。千葉淺紅。似蓮刺。梅堆千葉。大紅花。如刺。綉所成。開最後。又有淡黃。鶯黃。金黃之異。為薔薇中之上品。但易盛而難久。白者類玫瑰。而無香。若寶相。亦有大紅粉紅二色。其朵甚大。而千葉塞心。可為佳品。又有紫者。黑者。出白馬寺。正月初。剪肥嫩枝。長尺餘者。插於陰肥之處。即活。但不可多肥。太肥則腦生。莠虫。如有虫。以煎銀舖中爐灰撒之。則虫自死。夏間長嫩枝時。有黑翅黃腹小飛虫。名鑄花娘子。以臀入枝。極生子。三五日後。出細青虫。而嘴黑者。食葉傷枝。

花鏡

卷四

薔薇

十一




殆盡。大則又變前蟲。專在玫瑰。薔薇。月季。十姊妹等。樹上生活。見則速宜捉去。以免食葉之患。又薔薇露。產瓜哇國。以一滴置盆湯內。滿盆皆香。沐面盥手。可以竟日受用。

玫瑰

玫瑰一名徘徊花。處處有之。惟江南獨盛。其本多刺。花類薔薇而色紫。香膩馥郁。愈乾愈烈。每抽新條。則老本易枯。須速將根旁嫩條。移植別所。則老本仍茂。故俗呼為離娘草。高山深處。有碧色者。燕中有黃色者。花差小於紫玫瑰。每年正月盡二月初。分根種易活。若十月後移。恐地脉冷。多不能生。凡種難於久遠者。皆緣人溺澆殺之也。惟喜穢汚澆壅。但本太肥則易悴。不可不察。此花之用最廣。因其香美。或作扇墜香囊。或以糖霜同烏梅搗爛。名為玫瑰醬。收於磁瓶內。曝過經年。色香不變。任用可也。

月季

月季一名鬪雪紅。一名勝春。俗名月月紅。藤本叢生。枝幹多刺。而不甚長。四季開紅花。有深淺白之異。與



薔薇相類。而香尤過之。須植不見日處。見日則白者變而紅矣。分栽扦插俱可。但多蟲莠。須以魚腥水澆。人多以盆植為清玩。

木香花


木香一名錦棚兒。藤蔓附木。葉比薔薇更細小而繁。四月初開花。每穎三蕊。極其香甜可愛者。是紫心小白花。若黃花則不香。即青心大白花者。香味亦不及。至若高架萬條。望如香雪。亦不下於薔薇。剪條扦插亦可。但不易活。惟攀條入土壅泥壓護。待其根長。自本生枝外剪斷移栽。即活。臘中糞之。二年大盛。

野薔薇

野薔薇一名雪容。葉細而花小。其本多刺。蔓生籬落間。花有純白粉紅二色。皆單瓣。不甚可觀。但香最甜。似玫瑰。多取蒸作露。採含蕊拌茶亦佳。患瘡者烹飲。即愈。若花卸時。摘去其蒂。猶如鳳仙花。開之無已。此種甚賤。編籬最宜。

十姊妹

十姊妹又名七姊妹。花似薔薇而小。千葉磬口。一蓓



十花。或七花。故有此二名。色有紅白紫淡紫四樣。正月移栽。或八九月扦插。未有不活者。

繅絲花

繅絲花。一名刺藤。葉圓細而青。花儼如玫瑰。色淺紫。而無香。枝莖皆有刺針。每逢煮繭繅絲時。花始開放。故有此名。二月中根可分栽。


茶藤花

茶藤花。一名佛見笑。又名獨步春。百宜枝。雪梅墩。數名。蔓生多刺。綠葉青條。須承之以架。則繁花有三種。大朵千瓣。色白而香。每一穎著三葉。如品字。青附紅萼。及大放。則純白。有蜜色者。不及黃薔薇。枝梗多刺而香。又有紅者。俗呼番茶藤。亦不香。詩云。開到茶藤花事了。為當春盡時開也。種則攀條入土。壅之以肥泥。俟其枝長。剪斷移栽。自活。

千歲蘂

千歲蘂。生太山深谷間。藤蔓如葡萄。實似桃。而多緣木上。汁白而味甘。子赤可食。但酢而不甚美。在土人亦不棄也。

實似桃據本草當作葉似鬼桃見陶氏說



柳穿魚

柳穿魚一名二至花。葩甚細而色微紺。謂之柳穿魚者。以其枝柔葉細似柳。而花似魚也。其花發於夏至。斂於冬至。故名二至花。又名如意花。性喜陰燥。而惡肥糞。宜用豆餅浸水澆。或熟豆壅根亦可。吳門花市多結成樓臺鳥獸形以售。

珍珠花


珍珠花一名玉屑。葉如金雀。而枝幹長大。三四月開細白花。皆綴於枝上。繁密如李婁狀。俗名李婁花。非春初發萌時可以分栽。

鳳尾焦

鳳尾焦一名番焦。產於鐵山。江西福建皆有。葉長二三尺。每葉出細尖瓣。如鳳毛之狀。色深青。冬亦不凋。如少萎黃。卽以鐵燒紅釘其本上。則依然生活。平常不澆壅。惟以生鐵屑和泥壅之。自茂且能生子。分種易活。極能辟火患。人多盆種庭前。以為奇玩。

玉蘂花

玉蘂花向為唐人所重。故唐昌觀有之。集賢院有之。




今自招隱寺得一本。蔓若茶藤。冬凋春榮。葉似栢。莖微紫。花苞初甚細。經月漸大。暮春方八出。鬚如冰絲。上綴金粟。花心復有碧筩。狀類膽瓶。其中別抽一莢。出衆鬚上。散爲十餘蕊。猶刻玉然。世多未之見。亦猶瓊花之難得也。

錦帶花

錦帶花一名鬚邊嬌。三月間開。蓓蕾可愛。形如小鈴。色內白而外粉紅。長枝密花。如曳錦帶。但艷而不香。無子。亦有深紅者。一樹常開二色。有類海棠。植於屏籬之間。頗堪點綴。種法於秋分後。剪五寸長枝。插於屏土中。每日澆清糞水。良久自活。

鴛鴦藤

鴛鴦草一名忍冬。隨處有之。延蔓多附樹。莖微紫色。有薄皮膜之。其嫩莖色青。有毛。葉生對節。似薜荔。三四月間。開花不絕。長寸許。一帶兩花二瓣。一大一小。長莖初開。則莖瓣俱白。經二三日則變黃。新舊相參。黃白相映。如飛鳥對翔。又名金銀藤。氣甚清芬。而莖葉花皆可入藥用。因其藤左纏。俗名左纏藤。



錦荔枝


錦荔枝一名紅姑娘。一名癩葡萄。四月下子。抽苗延蔓。附木而生。葉似天蘿。有微刺。七八月開黃花。五瓣如椀形。結實似荔枝而大。初青色。後金紅。內瓢裏子如血塊。味甜可食。懸掛可觀。若種盆玩。須結縛成葢。子似西瓜子而邊缺。可入藥用。

鐵線蓮

鐵線蓮一名番蓮。或云卽威靈仙。以其本細似鐵線也。苗出後卽當用竹架扶持之。使盤旋其上。葉類木香。每枝三葉對節生。一朶千瓣。先有包葉六瓣似蓮。先開。內花以漸而舒。有似鷺毛菊。性喜燥。宜鷄鷲毛水澆。其瓣最緊而多。每開不能到心。卽謝亦一悶事。春間壓土移栽。

史君子

史君子一名留求子。藤生手指大。如葛苗繞樹而上。葉青似五加葉。三月開花五出。一簇一二十葩。初淡紅。久則深紅色。輕盈若海棠。作架植之。蔓延似錦。實長寸許。五瓣相合有稜。初時半黃。熟則紫黑。其中仁



花鏡 卷四 虎耳
白。上有薄黑皮。如榧子仁而嫩。其味如栗。治五疳。殺
蟲。小兒宜食。

萬苣

萬苣。一名千金菜。俗名金盞花。隨在有之。葉似白苣
而尖。色稍青。折之有白汁粘手。而花色金黃。細瓣攢
簇。肖盞。四月始開。無甚風味。聊備員耳。冬澆濃肥水。
則春發始茂。梗葉皆可作蔬。

虎耳草

虎耳。一名石荷葉。俗名金絲草。其葉類荷錢。而有紅
白絲繚繞其上。三四月間開小白花。春初栽於花砌
石罅。背陰高處。常以河水澆之。則有紅絲延蔓遍地。
絲末生苗。最易繁茂。但見日失水。便無生理矣。以糞
坑邊瓦礫。敲碎堆壅其側。則易長。小兒耳病。取汁滴
入即愈。

翠雲草

翠雲草。無直梗。宜倒懸。及平鋪在地。因其葉青綠蒼
翠。重重碎感。儼若翠鈿雲翹。故名。但有色而無花香。
非芸也。其根遇土即生。見日則萎。性最喜陰濕。栽於

背陰石罅。或虎茨。芭蕉。秋海棠下。極有雅趣。種法。用舊草鞋。浸糞坑。一日夜。取起晒乾。再浸再晒。凡數次。將石壓平。安放翠雲草之側。待其蔓自上生根。移栽別地。無有不活者。

淡竹葉


淡竹葉。一名小青。一名鴨跖草。多生南浙。隨在有之。三月生苗。高數寸。蔓延於地。紫莖竹葉。其花嚴似蛾形。只二瓣。下有綠萼承之。色最青翠可愛。土人用綿。收其青汁。貨作畫燈。夜色更青。畫家用以破綠等用。秋末抽莖。結小長穗。如麥冬。而更堅硬。性喜陰濕。

射干

射干。一名扁竹。一名秋蝴蝶。生南陽。今所在有之。仲春引蔓布地。苗似瞿麥。葉似薑。而狹長。葉中抽莖。似護莖而硬。六月開花。黃紅色。亦有紫碧者。瓣上有細紋。秋結實作房。一房四隔。一隔數子。咬之不破。根可入藥。分根下子種。俱可。

牽牛花

牽牛。一名草金鈴。一名天茄兒。有黑白二種。三月生。



苗。卽作滕蔓。或透籬墻。或附木上。長二三丈許。葉有三尖如楓葉。七月生花。不作瓣。白者紫花。黑者碧色。花結實外有白皮裹作毬。毬內有子四五粒。狀若茄子。差小。色青。長寸許。採嫩實鹽焯。或蜜浸。可供茶食。近又有異種。一本上開二色者。俗因名之曰黑白江南花。

馬兜鈴

馬兜鈴。一名青木香。春生苗作蔓。附木而上。葉如山楨而厚大。背白。六月開黃紫花。似枸杞。結實如大棗。作四五瓣。葉脫後。其實尚垂狀如馬項之鈴。

鼓子花

鼓子花。一名旋葛。又名纏枝牡丹。蔓延川澤間。葉似薯蕷。小而狹長。花開如拳不放。頂慢如缸鼓式。色粉紅。有千葉者。人多植以爲屏籬之玩。根無毛節。蒸煮味甘可啖。花不結子。取根寸截。置土灌溉。卽活生苗。昔有一絕對云。風吹不嚮鈴兒草。雨打無聲鼓子花。

五味花

五味花。產高麗者第一。今南北俱有。葉似杏而尖圓。

響 苗 慢



花若小蓮而黃白。蔓赤而長。非架不能引上。或附木亦可。結實如梧桐子大。叢綴枝間。生青熟紅。不異櫻珠。分根種。當年即旺。若子種者。次年始盛。出江北者。入藥最良。

薜荔

薜荔一名巴山虎。無根。可以緣木而生。藤蔓葉厚實。而圓勁如木。四時不凋。在石曰石綾。在地曰地錦。在木曰長春藤。好敷岩石與牆上。紫花發後。結實上銳而平。散以小蓮蓬。外青而內有瓢。滿腹皆細子。霜降後。瓢紅而甘。鳥雀喜啄。兒童亦常採食之。謂之木饅頭。但多食發瘴。夏月毒蛇喜聚其叢中。如或納涼其下。不可不慎。

芙蓉

芙蓉一名木蓮。又名文官。拒霜。葉似梧桐。大而尖。花有數種。單葉者多。千葉者有大紅。粉紅。白。惟大紅者花大。而四面有心。一種早開純白。向午桃紅。晚變深紅者。名醉芙蓉。另有一種黃芙蓉。亦異品。不可多得者。此花獨耐寒。但不結實。亦不必分根。惟在十一

時珍云不花而實




月中將好種肥條剪下。俱段作一尺許長。於向陽地上掘坑橫埋之。仍以土掩。至二月初。將條於水邊籬側遍插之。插必先將木針釘一穴。填泥漿并糞令滿。然後插條。上露二寸許。再遮以爛草。無不全活。且當年即能發花。清姿雅質。獨殿群芳。乃秋色之最佳者。昔蜀後主城上盡種芙蓉。名曰錦城。俗傳葉能爛懶毛。故池塘有芙蓉。則懶不敢來。其皮可漚麻作線。織為網衣。暑月衣之最涼。且無汗氣。

水木樺

水木樺一名指田。枝軟葉細。五六月開細黃花。頗類木樨。中多鬚葯。香亦微似。其本叢生。仲春分種。

壺蘆

壺蘆一名瓠瓜。俗作葫蘆非正二月下種。生苗引蔓而上。葉似冬瓜而稍團。有柔毛。五六月開白花。結實初白。霜降後老而色黃。一種圓而大者曰匏。亦名瓢。因其可以浮水。如泡如漂也。亦可作藏酒之器。一種下大上小。腰細口細者曰壺蘆。可盛丹藥。大可為甕。益小可為冠樽。小兒用以浮水。樂人用以作笙。膚瓢養豕。



犀瓣澆燭。實初結時。剖藤附柿巴豆。二三日後。柔弱可紐。隨去豆卽活。以筆蘸芥辣界瓢上。其界處永不長。欲去內瓢。開瓠頂。納巴豆水觸之。瓢出卽空。

獼猴桃

獼猴桃。一名陽桃。生山谷中。藤着樹而生。枝條柔弱。高二三丈。葉圓有毛。花小而淡紅。實形似雞卵。十月爛熟。色綠而甘。獼猴喜食之。皮堪作紙。今陝西永興軍南山甚多。


蔓菓

蔓菓音嬰。多生林墅間。四散延蔓。其葉並花實皆與葡萄無異。但實小而圓。色不甚紫。而味亦佳。毛詩云。六月食菓。卽此也。

紫茉莉

紫茉莉。一名狀元紅。本不甚高。但婆婆而蔓衍易生。葉似蔓菁。秋深開花。似茉莉而色紅紫。清晨放花。午後卽斂。其艷不久。而香亦不及茉莉。故不爲世重。結實頗繁。春間下子卽生。

白藟豆



藕豆一名蛾眉豆。一名籬豆。其蔓最長。須搭高棚引上。夏月可以乘涼。不可使沿樹上。樹若繞蔓即枯。葉大如盃。一枝三葉。其花狀似小蛾。有翅尾之形。莢生花下。纍纍成枝。花有紫白二色。實亦有紫白二種。清明下種。以灰覆之。不宜土益。太肥生蝟。

龍膽草

龍膽草一名陵游。產齊胸及南浙。葉如龍葵。味苦如膽。直上生苗。高尺餘。秋開花如牽牛青碧色。

落花生


落花生一名香芋。引藤蔓而生。葉極開小白花。花落於地。根即生實。連絲牽引土中。壘壘不斷。冬盡掘取。煮食香甜可口。南浙多產之。

大戟

大戟俗名下馬仙。春生紅芽。長作叢。高一二尺。葉似初生楊柳小團。又似芍藥。夏開黃紫花。團圓似杏花。又類蕪荑根。似苦參。多戟人咽喉。

葛

葛一名鹿藿。產南方。春初生苗。引藤蔓長一二丈。葉



類楸青而小。七月開花紅紫色。結莢纍纍似豌豆形。但不結實。根形大如手臂。紫黑色。端午採根曝乾。以入土深者為佳。其藤皮可作締絡。惟廣中出者為最。根可作粉。能解酒病。

紫花地丁


紫花地丁一名獨行虎。隨在有之。葉青而肥。根直如釘。仲夏開紫色花。結細角。平地生者起莖。可以不扶。溝壑邊生者起蔓。必待竿扶。又一種白花者。不入藥用。

茜草

茜一作蒨。又名茅蒐。茹蘆多生喬山上。染絳之草。葉青背綠。頭尖下濶似棗。其莖方葉澀。四五葉對生節間。蔓延於木上。至秋開花。結實如小椒。中有細子。根亦紫赤色。今所在有之。說文云。人血所生。故俗名地血。齊人謂之蒨草。貨殖傳曰。千畝危茜。其人皆與千戶侯等。則誠嘉草也。

獨搖草

獨搖草一名獨活。多生於嶺南及蜀漢川谷中。春生



鳥開輒

苗葉夏開小黃花。一莖直上。有風不動。無風自搖。其頭如彈子。尾若鳥尾。而兩片闕合間。每見人輒自動。搖俗傳佩之者。能令夫婦相愛。雖非異卉。亦自有一種風致。可取根入藥用。


虎杖

虎杖。生下濕地。隨在有之。春盡發苗。莖如紅蓼。葉圓如杏。夏未開。花四出如菊。色紅如桃。次第開落。至九月中方已。陝西山麓水湄甚廣。人於暑月取根和甘草同煎為飲。色如琥珀。甘美可愛。瓶置井中。令冷如冰。呼為冷飲子。可以代茗。極能解暑。其汁染米粉作糕更佳。

落葵

落葵。一名承露。春初下種。仲夏始蔓延。籬落間。其葉似杏而肥厚。至秋開細紫花。結實纍纍。大如五味子。熟則紫黑色。土人取揉其汁。紅如胭脂。婦女以之漬粉傅面。最佳。或用點唇。亦可。故又名染絳子。但暫用則色不變。若染布帛等物。不能常久。

欵冬花



欵冬花一名欵凍出常山及關中叢生水傍葉似葵而大開花黃瓣青紫萼出自根下偏於十一月霜雪中發花獨茂又有紅花者葉如荷而斗直俗呼為蜂斗葉亦花中之異品也

仙人掌


仙人掌出自閩粵非草非木亦非果蔬無枝無葉又并無花土中突發一片與手掌無異其膚色青綠光潤可觀掌上生米色細點每年只生一葉於頂今歲長在左來歲則長在右層疊而上植之家中可鎮火災如欲傳種取其一片切作三四塊以肥土植之自生全掌矣近今南浙亦間或有之錄此以見草木之異云爾

玉簇

玉簇花產於閩中花發於秋冬之交性最畏寒遇水則花葉俱萎植之者必十月中藏向陽室內如土乾將殘茶畧潤至二月中方可取出

釣藤

釣藤產自梁州今秦楚江南江西皆有葉細長而青



其莖間有刺。儼若鈞鈞。對節而生。其色紫赤。卷曲而堅利。長一二丈。大如指。中空。用致酒甕。封口。插入取酒。以氣吸之。涓涓不絕。

清風藤

清風藤一名青藤。出浙東台州天台山。其苗多蔓延喬木之上。四時常青。風吹飄揚有致。亦不可得者。

長生草

長生草一名豹足。一名萬年松。究竟卽卷伯也。產自常山之陰。今出近道。其宿根紫黑色。而多鬚。春時生苗似柏葉。而細碎拳攣如雞爪。色備青黃綠。高三四寸。無花實。多生石上。雖極枯槁。得水則蒼翠如故。或懸於梁。不用滋培。彌歲長青。或藏之巾筒中。復取砂水植之。不數日卽活。可爲盆玩。

藤蘿

藤蘿一名女蘿。在木上者。一名兔絲。在草上者。但其枝蔓軟弱。必須附物而長。其花黃赤如金。結實細而繁。冬則萎落。

零餘子

零餘子一名山藥。生苗蔓延籬落之間。夏開細白花。



結實在葉下。長圓不一。皮黃肉白。大者如雀子。小者如蚕豆。煮食勝於芋子。霜後收子。亦最易落。墜地即能生根。其根肥白而長。蔬中上品。宜壅牛糞。

土參

土參一名神草。一名土精。一名血參。產於南浙。四月開花。細小如粟。蓋如絲。白色。秋後結實。生青熟紅。性最喜燥。春間分種。

姜蕤


姜蕤處處山中皆有。其根橫生。莖幹強直。似竹筍。輪而有節。葉狹而長。表白裏青。亦類黃精。而多鬚。大如指。長一二尺。三月中開青花。結圓實。亦可分根種。極易繁衍者。

揚搖子

揚搖子。產自閩粵。其子生樹皮內。身體有脊。而形甚異。味甘無核。長五寸而色青。

藟子

藟子。出自合浦。及交趾。藤蔓緣樹木而生。正二月開花。四五月實熟如梨。赤如雞冠之色。核如魚鱗。其味



甚甘美。

酒杯藤

酒杯藤出自西域。昔張騫得其種而歸。藤大如臂。其
花堅硬。可以酌酒。文章映澈。實大如指。味香如豆蔻。
食之能解酒。

侯騷子

侯騷子。蔓延而生。如雞卵。既甘且冷。王大僕曾獻
之。能消酒除運。軀身延年。


子
涇輕

千歲子

千歲子。出粵西交趾。蔓延而生。子在根下有鬚綠色。
一苞多至二百餘顆。狀似李而皮殼青黃。殼中有肉
如栗。味亦如之。乾則殼肉相離。撼之而有聲。極能解
酒消暑。

波羅蜜

波羅蜜。產自海南。樹如荔枝。差大。皮厚。葉圓。有橫紋。
小枝附樹本而生。一枝含數實。花落實出。其大如斗。
皮亦似荔枝。有刺類佛首。螺髻之狀。肉若蜂房。近子
處可食。與熟瓜無異。而丰韻過之。子如肥皂核大。亦



可燻音炒食。味似豆。春生秋熟。粵人珍之。其甘如蜜。

菩提樹

菩提樹。一名無患子。產自南海。今武當山亦有之花。如冠蕤。葉似冬青。而稍尖長。實似枇杷。稍長大。味甘。色青而香。核堅黑。可燻食。亦可作念珠。俗名鬼見愁。以其能辟邪惡也。前朝皇太后曾種二株於內宮。

娑羅花

娑羅樹。產雅州瓦屋山。今江淮古寺內。及浙之甬。他山中皆有之。其本高數丈。葉大似楠。夏月多蔭。而冬

稿

不凋。初夏開花。頗香。實大如核桃。栗殼色。可治心痛病。又聞瓦屋山者。五色燦然。若移他處。則闇而多稿。故不可多得。

人面子

人面子。出自粵中。樹似梅李。春花秋熟。子如桃實。而少味。須蜜漬可食。其核兩邊如人面。耳目口鼻。無不具足。人皆取以為玩。

都念子

都念。生嶺南。樹高丈餘。株柯長而細。葉如苦李。花紫

花鏡

卷四 人面 都念

葉

赤如蜀葵。心金色。南中婦女多用染色。子如小軟柿。外紫內赤。無核。頭上有四葉如柿蒂。食必捻其蒂。故又名倒捻子。味甚甘美。

蕙苡

蕙苡。一名芭實。隨在有之。若留有宿根。二三月自生。葉如初生芭蕉。五六月抽莖。開細黃花。結實青白色。上尖下圓。其殼薄仁粘者。即蕙苡也。一種殼厚堅硬者。俗名菩婁珠。小兒多穿作念佛數珠為戲。

木竹子

木竹子。出自廣西。皮色形狀。全似大枇杷。而肉味甘美。過之。但實熟在秋冬。


韶子

韶子。生嶺南。葉如栗赤色。子亦如栗。苞有棘刺。破其苞。內有肉如猪肪。着核不離。味甘而酢。核如荔枝。又有山韶子。夏熟。色正紅。肉如荔枝。一種藤韶子。至秋方熟。其大如鳧卵。

馬檳榔

馬檳榔。產自滇南。金齒。沅江。延蔓而生。結實大如葡萄。

花鏡 卷四 韶子 馬檳榔



荀。色紫而味甘。內有核。頗似大楓子。但殼稍薄。其形圓長斜扁不等。核內有仁亦甜。

長楚

長楚。一名業楚。一名羊桃。葉如桃而光。尖長而狹。花紫赤色。其枝莖最弱。過一尺即引蔓於草上。多生平澤中。子細如棗核。亦似桃而味苦不堪食。

蔓椒

蔓椒。出上黨山野處處亦有之。生林箐間。枝軟覆地。延蔓花作小朵。色紫白。子葉皆似椒。形小而味微辛。因舊莖而生。土人取以煮肉食。香美不減花椒。但不多耳。


文章草

文章草。一名五加。生漢中及宛甸。今近道皆有。春生苗作叢。赤莖青葉。又似藤蔓。高四五尺。上有黑刺。一枝五葉。三四月開白花。香氣如橄欖。結實如豆。北方者長丈餘。類木。

蘿藦

苗

蘿藦。一名斫合子。人家多種之。三月生齒。蔓延籬垣。



開極易繁衍其根白軟其葉長而後太前尖根與莖
 葉摘之皆有白汁六七月開小長花如鈴狀紫白色
 結實長二三寸大如馬兜鈴一頭尖其殼青軟中有
 白絨及漿霜後枯裂則子飛其子輕薄亦如兜鈴子
 土人取其絨作坐褥以代綿亦輕煖

雪下紅

雪下紅一名珊瑚珠葉似山茶小而色嫩藤本蔓延
 莖生白毛夏末開小白花結子秋青冬熟若珊瑚珠
 累累下垂其色紅亮照耀如日至於積雪盈顛以夏
 有致但防白頭烏啣食則不能久留

胡椒

胡椒一名昧履支南番諸國及交南海南皆有之其
 苗蔓生必附樹或作棚引之葉如山藥有細條與葉
 齊條條結子兩兩相對其葉晨開暮合合則裹其子
 於葉中正月開黃白花結椒累累生青熟紅五月采
 收曝乾乃皺食品中用之最能殺腥

浣草


浣草一名藁冬一名天門冬處處有之春生藤蔓

花鏡

胡椒

浣草

栝樓



大如釵股。高至丈餘。葉如茴香。極尖。細而疎滑。有逆刺。亦有無刺者。夏開小白花。亦有黃紫色者。入伏後無花。暗結黑子。在其根枝旁。根長一二寸。一科一二十枚。以大者爲勝藥。苗須沃地種栽。子種者但晚成耳。

栝樓

栝樓一名瓜萐。一名澤姑。所在有之。三四月生苗。引藤而上。葉如甜瓜而窄。作叉有細毛。秋開花似壺盧。花淺黃色。結實在花下。大如拳形。有正圓。有尖長者。生青熟赤黃。纍纍垂於莖間。亦稍可觀。

五爪龍

五爪龍一名拔。一名五葉莓。蔓生籬落間。其藤柔而有稜。一枝一鬚。凡五葉長而光有疎齒。面青背淡。七八月結苞成簇。青白色。花如粟黃色。四出。實大如龍葵。生青熟紫。內有細子。

西國草

西國草一名莖音全一名覆盆子。隨處有之。秦地尤多。三月開白花。四五月實熟。狀如荔枝。大如櫻桃。軟紅

可愛味頗日美。失時則就枝生蛆。土人在六七分熟。即采取矣。

榼藤

榼藤一名象豆。生廣南山中。作藤着樹。有如通草藤。其實三年方熟。結角如弓袋。紫黑色而光大。一二寸。圓而扁。仁若雞卵。土人多剔去其肉。作瓢垂於腰間。若貯丹藥。經年不壞。

蓬蘽

蓬蘽一名寒苳。音茂生來藤蔓繁衍。莖有倒刺。逐節生

葉。葉大如掌。類小葵。青背白。厚有毛。六七月開小白花。就蒂結實。數十成簇。生則青黃。熟則紫黯。微有黑毛。如椹而扁。冬葉不凋。俗名割田蘽。

千里及

千里及。生宣湖。與天台中。春生苗。蔓延於籬落間。葉似菊。細長而厚。背有毛。枝幹圓而青。秋開黃花。不結實。

特1

1717

七卷


千里及



三十一

金

卷四 蓬蘽

三十七





国立国会図書館 タイトル『秘傳花鏡6巻』 請求記号 特1-1717

ガラス使用